

ВЪ СВѢТѢ СѢАГѠ И ПРѢНАГѠ ЛАЗАРА

РЕДАКЦІА И СОСТАВЛЕННЕ Г. СМІРНОВА

ХРАМ ВОЗДВИЖЕНІА ЧЕСТНАГО КРЕСТА В АЛТѢФЬЕВО.

✠ ВѢКА

НАЧАЛО С БОГОМ ВЕЛИКАГО ПОВЕЧЕРИЯ

Молитвами святых отец наших Господи, Иисусе Христе, Сыне Божий, помилуй нас. Аминь.

Слава Тебе Боже наш, слава Тебе.

Царю Небесный: Трисвятое. Пресвятая Троице: Отче наш.

Господи помилуй. (12).

Приидите поклонимся: Трижды.

И абие, аще есть первая седмица великия четьредесятницы, начинаем: Боже, в помощь мою вонми: И исполнившуся сему, поем великий канон.

Аще же ни, начинаем сице: [Псалом 4] Внегда призвати ми, услыша мя Бог правды моея: в скорби распространил мя еси. ущедри мя, и услыши молитву мою. Сынове человечести, доколе тяжкосердии? вскую любите суету, и ищете лжи? И уведите, яко удиви Господь преподобнаго Своего: Господь услышит мя, внегда воззвати ми к Нему. Гневайтесь, и не согрешайте: яже глаголете в сердцах ваших, на ложах ваших умилитесь. Пожрите жертву правды, и уповайте на Господа. Мнози глаголют: кто явит нам благая? знаменася на нас свет лица Твоего, Господи. Дал еси веселие в сердце моем, от плода пшеницы, вина и елеа своего умножишася. В мире вкупе усну и почию: яко Ты Господи, единого на уповании вселил мя еси.

[Псалом 6] Господи, да не яростию Твоею обличиши мене, ниже гневом Твоим накажеш мене. Помилуй мя Господи, яко немощен есмь: исцели мя Господи, яко смятошася кости моя. И душа моя смятася зело: и Ты Господи, доколе? обратися Господи, избави душу мою, спаси мя ради милости Твоея: яко несть в смерти поминаяй Тебе, во аде же кто исповестся Тебе? Утрудихся воздыханием моим, измыю на всяку ночь ложе мое, слезами моими постелю мою омочу. Смятася от ярости око мое, обетшах во всех вразех моих. Отступите от мене вси делающии беззаконие, яко услыша Господь глас плача моего. Услыша Господь моление мое,

Господь молитву мою прият. Да постыдятся, и смятутся вси врази мои: да возвратятся, и устыдятся зело вскоре.

[Псалом 12] Доколе, Господи, забудеши мя до конца? Доколе от-вращаеши лице Твое от мене? Доколе положу советы в души моей, болезни в сердце моем день и ночь? Доколе вознесется враг мой на мя? Призри, услыши мя Господи Боже мой, просвети очи мои, да не когда усну в смерть. Да не когда речет враг мой: укрепихся на него. Стужающие ми возрадуются, аще подвижуся. Аз же на милость Твою уповах: возрадуется сердце мое о спасении Твоем. Воспою Господеви благодеавшему мне, и пою имени Господа Вышняго. Призри, услыши мя Господи Боже мой, просвети очи мои, да не когда усну в смерть: Да не когда речет враг мой: укрепихся на него.

Слава, и ныне: Аллилуиа, аллилуиа, аллилуиа, слава Тебе Боже.
Трижды. И поклоны 3.

Господи помилуй, **трижды.**

Слава и ныне:

[Псалом 24] К Тебе Господи, воздвигох душу мою, Боже мой на Тя уповах, да не постыжуся во век, ниже да посмеют ми ся врази мои: Ибо вси терпящие Тя, не постыдятся. Да постыдятся беззаконнующии вотще. Пути Твоя Господи, скажи ми, и стезям Твоим научи мя. Настави мя на истину Твою, и научи мя: яко Ты еси Бог Спас мой, и Тебе терпех весь день. Помяни щедроты Твоя Господи, и милости Твоя, яко от века суть. Грех юности моея, и неведения моего не помяни, по милости Твоей помяни мя Ты, ради благости Твоея Господи. Благ и прав Господь, сего ради законоположит согрешающим на пути. Наставит кроткия на суд, научит кроткия путем Своим. Вси путие Господни милость и истина, взыскающим завета Его и свидения Его. Ради Имене Твоего Господи, и очисти грех мой, мног бо есть. Кто есть человек бояйся Господа? Законоположит ему на пути, егоже изволи. Душа его во благих водворится, и семя его наследит землю. Держава Господь боящихся его, и завет Его явит им. Очи мои выну ко Господу, яко Той исторгнет от сети нозе мои. Призри на мя, и помилуй мя, яко

единород и нищ есмь аз. Скорби сердца моего умножишася, от нужд моих изведи мя. Виждь смирение мое и труд мой, и остави вся грехи моя. Виждь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко уповах на Тя. Незлобивии и правии прилеплюхся мне, яко потерпех Тя Господи. Избави Боже, Израиля от всех скорбей его.

[Псалом 30] На Тя Господи уповах, да не постыжуся во век, правдою Твоею избави мя, и изми мя. Приклони ко мне ухо Твое, ускори изъяти мя. буди ми в Бога Защитителя, и в дом прибежища, еже спасти мя. Яко Держава моя, и Прибежище мое еси Ты: и Имене Твоего ради наставиши мя, и препитаеши мя. Изведеши мя от сети сея, юже скрыша ми: яко Ты еси Защититель мой Господи. В руке Твои предложу дух мой: избавил мя еси Господи Боже истины. Возненавидел еси хранящия суеты вотще: аз же на Господа уповах. Возрадуюся и возвеселюся о милости Твоей, яко призрел еси на смирение мое, спасл еси от нужд душу мою. И неси мене затворил в руках вражиих, поставил еси на пространне нозе мои. Помилуй мя Господи, яко скорблю, смятеся яростию око мое, душа моя и утроба моя. Яко исчезе в болезни живот мой, и лета моя в въздыханиих: изнеможе нищетою крепость моя, и кости моя смятошася. от всех враг моих бых поношение, и соседом моим зело, и страх знаемым моим: видящии мя вон бежаша от мене. Забвен бых яко мертв от сердца, бых яко сосуд погублен. Яко слышах гаждение многих живущих окрест: внемгда собратися им вкупе на мя, прияти душу мою совещаща. Аз же на Тя Господи уповах, рех: Ты еси Бог мой. В руку Твоею жребии мои, избави мя из руки враг моих, и от гонящих мя. Просвети лице Твое на раба Твоего, спаси мя милостию Твоею. Господи, да не постыжуся, яко призвах Тя, да постыдятся нечестивии, и снидут во ад. Немы да будут устны льстивыя, глаголющия на праведнаго беззаконие, гордынею и уничижением. Коль многое множество благности Твоея Господи, юже скрыл еси боящимся Тебе, соделал еси уповающим на Тя, пред сыны человеческими. Скрыеши их в тайне лица Твоего от мятежа человеческого: покрыеши их в крове от пререкания язык. Благословен Господь, яко удиви милость

Свою во граде ограждения. Аз же рех во изступлении моем, отвержен есмь от лица очию Твоею: сего ради услышал еси глас молитвы моея, вегда воззвах к Тебе. Возлюбите Господа вси преподобнии его, яко истины взыскает Господь и воздаст излише творящим гордыню. Мужайтесь, и да крепится сердце ваше, вси уповающи на Господа.

[Псалом 90] Живый в помощи Вышняго, в крове Бога Небеснаго водворится. Речет Господеви: Заступник мой еси, и Прибежище мое, Бог мой, и уповаю на Него. Яко Той избавит тя от сети ловчи, и от словесе мятежна. Плещма Своима осенит тя, и под криле Его надеешься. Оружием обыдет тя истина Его, не убоишия от страха ночнаго, от стрелы летящая во дни, от вещи во тьме переходящая, от сряща и беса полуденнаго. Падет от страны твоя тысяща, и тьма одесную тебе, к тебе же не приблизится. Обаче очима твоима смотриши, и воздаяние грешников узриши. Яко Ты Господи, Упование мое, Вышняго положил еси прибежище твое. Не придет к тебе зло, и рана не приблизится телеси твоему. Яко ангелом Своим заповесть о Тебе, сохранить тя во всех путех твоих. На руках возмут тя, да не когда преткнеши о камень ногу твою. На аспида и василиска наступиши, и попереши льва и змия. Яко на Мя упова, и избавлю и: покрыю и, яко позна Имя Мое: Воззовет ко Мне, и услышу его: с ним есмь в скорби, изму его: и прослаблю его: Долготою дней исполню его, и явлю ему спасение Мое.

Слава, и ныне: Аллилуиа, аллилуиа, аллилуиа, слава Тебе Боже.
Трижды.

Господи помилуй, **трижды.**

Слава, и ныне: **Аще есть пост, поклоны три. Таже начинаем глаголати стихи со сладкопением, не скоро, и великим гласом.**

Первый лик: С нами Бог, разумеите языцы, и покаряйтесь: яко с нами Бог.

С нами Богъ

Соловецкое

Первый ликъ:

Бар. *unis.*
Б.

С на - ми Бог, ра - зу - мей - те
я - зы - цы, и по - ка - рьяй - те -
ся: я - ко с на - ми Бог.

[Второй ликъ, тожде]

Таже по чинѣ кѣждо ликъ свой стѣхъ.

Первый ликъ:

У - слы - ши - те до по - след - них зем - ли: я - ко с на - ми Бог.

Второй ликъ:

Мо - гу - щи - и по - ка - рьяй - те - ся: я - ко с на - ми Бог.

Первый ликъ:

А - ще бо паки возможете, и паки побеждени будете: я - ко с на - ми Бог.

Второй ликъ:

И и - же еще совет совещаєте, разорит Господь: я - ко с на - ми Бог.

Первый ликъ:

И сло - во, еже аще возглаголете, не пребудет в вас: Я-ко с на-ми Бог.

Второй ликъ:

Стра - ха же вашего не убоимся, ниже смутимся: я - ко с на - ми Бог.

Первый ликъ:

Го - спо - да же Бога нашего Того освятим, и Той будет нам в страх: я - ко

с на - ми Бог.

Второй ликъ:

И а - ще на Него надеяся буду, будет мне во освящение: я-ко с на-ми Бог.

Первый ликъ:

И у - по - ва - я буду на Него, и спасуся Им: я - ко с на - ми Бог.

Второй ликъ:

Се аз и дети, яже ми даде Бог: Я - ко с на - ми Бог.

Первый ликъ:

Лю - ди - е ходящи во тьме, видеша свет велий: я-ко с на - ми Бог.

Второй ликъ:

Жи-ву - ши-и во стране и сени смертней, свет возсияет на вы: я-ко с на-ми Бог.

Первый ликъ:

Я - ко Отроча родися нам, Сын, и дадеся нам: я - ко с на - ми Бог.

Второй ликъ:

Е-го - же начальство бысть на раме Его: я - ко с на - ми Бог.

Первый ликъ:

И ми - ра Его несть предела: я - ко с на - ми Бог.

Второй ликъ:

И на-ри-ца - ет-ся Имя Его, Велика Совета Ангел: я-ко с на-ми Бог.

Первый ликъ:

Чу - ден Со - вет - ник: я - ко с на - ми Бог.

Второй ликъ:

Бог кре-пок, Властитель, Начальник мира: я - ко с на - ми Бог.

Первый ликъ:

О - тец бу - ду - ща - го ве - ка: я - ко с на - ми Бог.

Первый ликъ:

С на - ми Бог, ра - зу - мей - те я - зы - цы,

и по - ка - рай - те-ся: я - ко с на - ми Бог.

[Второй ликъ, тожде]

Первый ликъ:

Сла - ва От - цу и Сы - ну и Свя -

то - му Ду - ху. С на - ми Бог:

Второй ликъ:

И ны - не и прис - но

и во ве - ки ве - ков. А - минь.

Таже два лика въспѣ:

С на - ми Бог: Я - ко с на - ми Бог.

Первый лик: С нами Бог, разумеите языцы, и покаряйтесь: яко с нами Бог.

Вторый лик, тожде.

Таже по чину кийждо лик свой стих.

Первый лик: Услышите до последних земли: яко с нами Бог.

Вторый лик: Могущии покаряйтесь: яко с нами Бог.

Аще бо паки возможете, и паки побеждени будете: яко с нами Бог.

И иже аще совет совещаваете, разорит Господь: яко с нами Бог.

И слово, еже аще возглаголете, не пребудет в вас: яко с нами Бог.

Страха же вашего не убоимся, ниже смутимся: яко с нами Бог.

Господа же Бога нашего Того освятим, и Той будет нам в страх: яко с нами Бог.

И аще на Него надеяся буду, будет мне во освящение: яко с нами Бог.

И уповая буду на Него, и спасуся Им: яко с нами Бог.

Се аз и дети, яже ми даде Бог: яко с нами Бог.

Людие ходящии во тьме, видеша свет велий: яко с нами Бог.

Живущии во стране и сени смертней, свет возсияет на вы: яко с нами Бог.

Яко Отроча родися нам, Сын, и дадеся нам: яко с нами Бог.

Егоже начальство бысть на раме Его: яко с нами Бог.

И мира Его несть предела: яко с нами Бог.

И нарицается Имя Его, Велика Совета Ангел: яко с нами Бог.

Чуден Советник: яко с нами Бог.

Бог крепок, Властитель, Начальник мира: яко с нами Бог.

Отец будущего века: яко с нами Бог.

Исполнившим же ся стихом, яко предречеса, поется.

С нами Бог, разумеите языцы, и покарайтесь: яко с нами Бог.

И паки единицею от обою лику.

Слава: **Первый лик:** С нами Бог: И ныне: **Вторый, тожде.**

Таже два лика вкупе: Яко с нами Бог.

И абие настоящия тропари.

Первый лик: День прешед, благодарю Тя Господи, вечер, прошу, с нощию без греха подаждь ми Спасе, и спаси мя.

Вторый лик. Слава: День прешед, славословлю Тя Владыко, вечер, прошу, с нощию безсоблазново подаждь ми Спасе, и спаси мя.

Два лика. И ныне: День прешед, песнословлю Тя Святыи, вечер, прошу, с нощию ненаветен подаждь ми Спасе, и спаси мя.

Вкупе два лика: Безплотное естество херувимское, немолчными песньми Тя славословят. Шестокрильная животная серафими, непрестанными гласы Тя превозносят: ангелов же вся воинства трисвятыми песньми Тя восхваляют. Прежде бо всех еси Сый Отец, и собезначальна имаши Твоего Сына: и равночестна носяи Духа жизни, Троицы являеши нераздельное.

Пресвятая Дево Мати Божия, и иже Слова самовидцы и слуги: пророк же и мученик вси лица, яко безсмертну имуще жизнь: о всех молитесь прилежно, яко вси есмы в бедах. Да прелести избавльшеса лукаваго, ангельскую вопием песнь: Святыи, Святыи, Святыи, Трисвятыи Господи, помилуй и спаси нас, аминь.

И абие низким гласом:

1. Верую во Единого Бога Отца Вседержителя, Творца небу и земли, видимым же всем и невидимым. **2.** И во Единого Господа Иисуса Христа, Сына Божия, Единородного, Иже от Отца Рожденнаго прежде всех век. Света от Света, Бога Истинна, от Бога Истинна, рожденна, не сотворенна, единосущна Отцу, Имже вся быша. **3.** Нас ради человек, и нашего ради спасения сшедшаго с небес, и воплотившагося от Духа Свята и Марии Девы, и вочеловечшася. **4.** Распятаго же за ны при Понтийстем Пилате, и страдавша, и погребена. **5.** И воскресшаго в третий день, по Писанием. **6.** И возшедшаго на небеса, и сидяща одесную Отца. **7.** И паки грядущаго со славою судити живым и мертвым, Егоже Царствию не будет конца. **8.** И в Духа Святаго, Господа Животворящаго, Иже от Отца Исходящаго, Иже со Отцем и Сыном Спокланяема и Сславима, глаголавшаго пророки. **9.** Во едину святую, соборную и апостольскую Церковь. **10.** Исповедую едино крещение, во оставление грехов. **11.** Чаю воскресения мертвых: **12.** И жизни будущаго века, аминь.

И абие, Пресвятая: вся глаголются по дважды, кроме Пресвятая Владычице, еже глаголется трижды:

Пресвятая Владычице Богородице, моли о нас грешных.

Вся небесныя силы святых ангел и архангел молите о нас грешных.

Святой Иоанне пророче, и Предтече, и Крестителю Господа нашего Иисуса Христа, моли о нас грешных.

Святии славнии апостоли, пророцы и мученицы, и вси святии, молите о нас грешных.

Преподобнии и богоноснии отцы наши, пастырие и учителяе вселенныя, молите о нас грешных.

Зде же глаголется и святой храма.

Непобедимая, и непостижимая, и Божественная Сило Честнаго и Животворящаго Креста, не остави нас грешных.

Боже, очисти нас грешных.

Боже, очисти нас грешных, и помилуй нас.

Таже: Трисвятое. Пресвятая Троице: Отче наш:

**И поем тропари сия в понедельник и в среду вечера, во глас 2.
[Аще же прилучится праздник, поем тропарь праздника.]**

Просвети очи мои Христе Боже, да не когда усну в смерть, да не когда речет враг мой: укрепихся на него.

Слава: Заступник души моя буди Боже, яко посреде хожду сетей многих, избави мя от них, и спаси мя Блаже, яко Человеколюбец.

И ныне, Богородичен: Яко не имамы дерзновения за премногия грехи наша, Ты Иже от Тебе Рождшагося моли, Богородице Дево: много бо может моление Матернее ко благосердию Владыки. Не презри грешных мольбы Всечистая, яко Милостив есть, и спасти могий, Иже и страдати о нас изволивый.

Ины тропари во вторник и в четверток вечера, во глас 8:

Невидимых враг моих неусыпание веси Господи, и окаянная плоти моя неможение веси Создавый мя. Темже в руке Твои предаю дух мой, покрый мя крилома Твоея благости, да не когда усну в смерть, и умныя мои очи просвети в наслаждение Божественных словес Твоих, и воздвигни мя во время благопотребно к Твоему славословию, яко един Благ и Человеколюбец.

Стих: Призри, и услыши мя, Господи Боже мой:

Яко страшен суд Твой Господи, ангелом предстоящим, человеком вводимым, книгам разгибаемым, делом испытваемым, помыслом истязуемым: кий суд будет мне зачатоу во гресех? Кто ми пламень угасит? Кто ми тьму просветит? Аще не Ты Господи, помилуеши мя, яко Человеколюбец.

Слава: Слезы ми даждь Боже, якоже иногда жене грешнице: и сподоби мя омочити нозе Твои, яже мя от пути прелести свободившия, и муро благоухания Тебе приносить, житие чисто, по-

каанием ми созданное, да услышу и аз желаемый Твой глас: вера твоя спасе тя, иди в мире.

И ныне, Богородичен: Непостыдную, Богородице, надежду Твою имея, спасуся, предстательство Твое стяжав, Пречистая, не убоюсь: пожену враги моя, и побегу я, во един оболкийся, яко в броня кров Твой, и всемогущую Твою помощь, моляся вопию Ти: Владычице, спаси мя молитвами Твоими, и возстави мя от мрачнаго сна к Твоему славословию, силою из Тебе Воплотившаго Сна Божия.

Господи помилуй, **40.**

Слава, и ныне: Честнейшую херувим: Именем Господним благослови, отче.

Молитвами святых отец наших:

Аминь.

И молитву сию Великаго Василиа:

Господи Господи, избавлей нас от всякия стрелы летящая во дни, избави нас и от всякия вещи во тьме преходящая. Приими жертву вечернюю рук наших воздеяние. Сподоби же нас и ночное поприще без порока прейти, неискушены от злых. И избави нас от всякаго смущения и боязни, яже от диавола нам прибывающия. Даруй душам нашим умиление, и помыслом нашим попечение, еже на страшнем и праведнем Твоем суде испытания. Пригвозди страху Твоему плоти наша, и умертви уды наша сущия на земли: да и сонным безмолвием просветимся зрением судеб Твоих. Отими же от нас всякое мечтание неподобное, и похоть вредну. Возстави же нас во время молитвы, утверждены в вере, и преспевающия в заповедех Твоих, благоволением, и благостию Единороднаго Сына Твоего: с Нимже благословен еси, с Пресвятым, и Благим, и Животворящим Твоим Духом, ныне и присно, и во веки веков, аминь.

И абие:

Приидите, поклонимся: **трижды. И поклоны 3.**

Таже псалом 50: Помилуй мя Боже, по велицей милости Твоей и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя. Яко беззаконие мое аз знаю, и грех мой предо мною есть выну. Тебе единому согреших, и лукавое пред Тобою сотворих, яко да оправдишися во словесех Твоих, и победиши, вегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом, и очищуся: омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне Боже, и дух прав обнови во утробе моей. Не отвержи мене от лица Твоего, и Духа Твоего Святаго не отими от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей Боже, Боже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен: сердце сокрушенно и смиренно Бог не уничижит. Ублажи Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожгаемая: тогда возложат на олтарь Твой тельцы.

[Псалом 101] Господи, услыши молитву мою, и вопль мой к Тебе да приидет. Не отврати лица Твоего от мене: воньже аще день скорблю, приклони ко мне ухо Твое: воньже аще день призову Тя, скоро услыши мя. Яко исчезоша яко дым дние мои, и кости моя яко сушило сосхошася. Уязвен бых яко трава, и изсше сердце мое, яко забых снести хлеб мой. От гласа воздыхания моего, прильпе кость моя плоти моей. Уподобихся неясыти пустынной, бых яко ночный вран на нырищи. Бдех, и бых яко птица, особящаяся на зде. Весь день поношаху ми врази мои, и хвалящии мя мною кленяхуся. Зане пепел яко хлеб ядах, и питье мое с плачем растворях. От лица гнева Твоего и ярости Твоя, яко вознес низ-

вергл мя еси. Дние мои яко сень уклонишася, и аз яко сено ис-
схох. Ты же Господи, во век пребываеши, и память Твоя в род и
род. Ты воскрес ущедрити Сиона: яко время ущедрити его, яко
прииде время. Яко благоволиша раби Твои камене его, и персть
его ущедрят. И убоятся языцы Имене Господня, и вси царие зем-
стии славы Твоея. Яко созиждет Господь Сиона, и явится во сла-
ве Своей. Призре на молитву смиренных, и не уничижи моления
их. Да напишется сие в род ин, и людие зиждемии восхвалят Гос-
пода. Яко приниче с высоты святыя Своея, Господь с небесе на
землю призре: услышати воздыхание окованных, разрешити сы-
ны умерщвленных: Возвестити в Сионе Имя Господне, и хвалу
Его во Иерусалиме. Внегда собратися людем вкупе, и царем еже
работати Господеви. Отвеща ему на пути крепости его, умаление
дней моих возвести ми. Не возведи мене в преполовление дней мо-
их, в роде родов лета Твоя. В началех Ты Господи, землю осно-
вал еси, и дела руку Твоею суть небеса. Та погибнут, Ты же пре-
бываеши: и вся яко риза обетшают, и яко одежду свиеси я, и из-
менятся. Ты же тойжде еси, и лета Твоя не оскудеют. Сынове раб
Твоих вселятся, и семя их во век исправится.

Молитва Манассии царя Иудейска: Господи Вседержителю, Бо-
же отец наших, Авраамов, и Исааков, и Иаковль, и семене их
праведнаго: сотворивый небо и землю со всею лепотою их, связа-
вый море словом повеления Твоего, заключивый бездну, и запеч-
чатствовавый ю страшным и славным именем Твоим, егоже вся
боятся, и трепещут от лица силы Твоея ?яко непостоянно велико-
лепие славы Твоея?*, и не стерпимь гнев, еже на грешники пре-
щения Твоего. Безмерна же и неизследованна милость обещания
Твоего: Ты бо еси Господь Вышний, благоутробен. долготерпелив
и многомилостив, и каяйся о злобах человеческих. Ты Господи,
по множеству благости Твоея, обещал еси покаяние и оставление
согрешившим Тебе, и множеством щедрот Твоих, определил еси
покаяние грешником во спасение. Ты убо Господи Боже сил, не
положил еси покаяние праведным, Аврааму и Исааку и Иакову,
не согрешившим Тебе. Но положил еси покаяние на мне грешнем:
зане согреших паче числа песка морскаго. Умножишася беззакон-
ния моя, Господи, умножишася беззакония моя: и несмь достоин

воззрети, и видети высоту небесную от множества неправд моих. Слячен есмь многими узами железными, во еже не возвести главы моея, и несть ми ослабления: зане прогневах ярость Твою, и лукавое пред Тобою сотворих, не сотворивый воли Твоея, и не сохранивый повелений Твоих. И ныне приклоняю колена сердца, требуя от Тебе благости: согреших Господи, согреших, и беззакония моя аз вем: но прошу моляся, ослаби ми Господи, ослаби ми, и не погуби мене со беззаконьми моими. Ниже в век враждовав соблюдеши зол моих, ниже осудиши мя в преисподних земли. Зане Ты еси Боже, Бог кающихся, и на мне явиши всю благость Твою, яко недостойна суща спасеши мя, по мнозей милости Твоей, и восхваляю Тя выну во днех живота моего: яко Тя поет вся сила небесная, и Твоя есть слава во веки веков, аминь.

Трисвятое. Поклоны три. Пресвятая Троице: Отче наш: Молитва Иисусова.

И тропари сия, во глас 6:

Помилуй нас Господи, помилуй нас: всякаго бо ответа недоумеюще, сию Ти молитву яко Владыце грешнии приносим: помилуй нас.

Слава: Господи, помилуй нас: на Тя бо уповахом, не прогневайся на ны зело, ниже помяни беззаконий наших: но призри и ныне яко Благоутробен, и избави ны от враг наших: Ты бо еси Бог наш, и мы людие Твои, вси дела руку Твоею, и Имя Твое призываем.

И ныне: Милосердия двери отверзи нам благословенная Богородице, надеющихся на Тя да не погибнем, но да избавимся Тобою от бед: Ты бо еси спасение рода христианскаго.

По втором трисвятом, тропари

Напева Валаамского монастыря

1



По - ми - луй нас Го - спо - ди, по - ми - луй нас:



вся - ка - го бо от - ве - та не - до - у - ме - ю - ще, си - ю Ти мо - лит - ву



я - ко Вла - ды - це греш - ни - и при - но - сим: по - ми - луй нас.


2



Сла - ва От - цу и Сы - ну и Свя - то - му Ду - ху.



Го - спо - ди, по - ми - луй нас: на Тя бо у - по - ва - хом,



не про - гне - вай - ся на ны зе - ло, ни - же по - мя - ни без - за -



ко - ний на - ших: но при - зри и ны - не я - ко



Бла - го - у - тро - бен, и из - ба - ви ны от враг на - ших:



Ты бо е - си Бог наш, и мы лю - ди - е Тво - и, все де - ла



ру - ку Тво - е - ю, и И - мя Тво - е при - зы - ва - ем.

3




И ны - не и прис - но и во ве - ки ве - ков. А - минь.



Ми - ло - сер - ди - я две - ри о - твер - зи нам



бла - го - сло - вен - на - я Бо - го - ро - ди - це,



на - де - ю - щи - и - ся на Тя да не по - гиб - нем,



но да из - ба - вим - ся То - бо - ю от бед:



Ты бо е - си спа - се - ни - е ро - да хри - сти - ан - ска - го.

И тропарѣ сѣѡ, во гласѣ 3:

Помилуй нас Господи, помилуй нас:/ всякаго бо ответа недоумѣюще,/ сию Ти молитву яко Владыце// грешнии приносим, помилуй нас.

Слава: Господи, помилуй нас:/ на Тя бо уповахом,/ не прогневайся на ны зело,/ ниже помяни беззаконий наших:/ но призри и ныне яко Благоутробен,/ и избави ны от враг наших:/ Ты бо еси Бог наш,/ и мы людие Твой,// вси дела руку Твоею, и Имя Твое призываем.

И ныне: Милосердия двери отвори нам/ благословенная Богородице,/ надеющиеся на Тя да не погибнем,/ но да избавимся Тобою от бед:// Ты бо еси спасение рода христианскаго.

Господи помилуй, **40**. Слава, и ныне: Честнейшую херувим: Именем Господним благослови, отче.

Молитвами святых отец наших:

Аминь.

И молитву: Владыко Боже Отче Вседержителю, Господи, Сыне Единородный Иисусе Христе, и Святой Душе, Едино Божество, Едина Сила, помилуй мя грешнаго: и имиже веси судьбами, спаси мя недостойнаго раба Твоего, яко благословен еси во веки веков, аминь.

Приидите, поклонимся: **трижды.**

И абие: [Псалом 69] Боже, в помощь мою вонми, Господи, помози ми потщися. Да постыдятся и посрамятся ищущии душу мою. Да возвратятся вспять, и постыдятся хотящии ми злая. Да возвратятся абие стыдящися, глаголющии ми: благоже, благоже. Да возрадуются и возвеселятся о Тебе вси ищущии Тебе Боже: и да глаголют выну, да возвеличится Господь, любящии спасение Твое. Аз же нищ есмь и убог, Боже помози ми: Помощник мой, и Избавитель мой еси Ты, Господи не закосни.

[Псалом 142] Господи, услыши молитву мою, внуши моление мое во истине Твоей, услыши мя в правде Твоей: И не вниди в суд с рабом Твоим, яко не оправдится пред Тобою всяк живой. Яко погна враг душу мою, смирил есть в землю живот мой: Посадил мя есть в темных, яко мертвыя века. И уны во мне дух мой, во мне смятятся сердце мое. Помянух дни древния, поучихся во всех делах Твоих, в творениих руку Твоею поучахся. Воздох к Тебе рuce мои: душа моя яко земля безводная Тебе. Скоро услыши мя Господи, исчезе дух мой: не отврати лица Твоего от мене, и уподоблюся низходящим в ров. Слышану сотвори мне завтра милость Твою, яко на Тя уповах. Скажи мне Господи путь, воньже пойду, яко к Тебе взях душу мою. Изми мя от враг моих, Господи к Тебе прибегах, научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради Господи, живиши мя, правдою Твоею изведеши от печали душу

мою: И милостию Твоею потребиши враги моя, и погубиши вся стужающия души моей, яко аз раб Твой есмь.

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи Царю Небесный, Боже Отче Вседержителю, Господи Сыне Единородный Иисусе Христе, и Святыи Душе: Господи Боже, Агнче Божий, Сыне Отець, вземляй грех мiра, помилуй нас: вземляй грехи мiра, прими молитву нашу, седяи одесную Отца, помилуй нас. Яко Ты еси Един Свят, Ты еси Един Господь, Иисус Христос, в славу Бога Отца, аминь.

На всяку ночь благословлю Тя, и восхваляю Имя Твое во веки, и в век века.

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой: яко у Тебе источник живота, во свете Твоем узрим свет. Пробави милость Твою ведущим Тя.

Таже: Сподоби Господи в ночь сию без греха сохранитися нам. Благословен еси Господи, Боже отец наших, и хвально, и прославлено Имя Твое во веки, аминь.

Буди Господи, милость Твоя на нас, якоже уповахом на Тя. Благословен еси Господи, научи мя оправданием Твоим. Благословен еси Владыко, вразуми мя оправданием Твоим. благословен еси Святыи, просвети мя оправданием Твоим. Господи, милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает, Отцу, и Сыну, и Святому Духу, ныне и присно и во веки веков, аминь.

Посем глаголем канон рядовой святому, или Богородице.

На Повечерии поем настоящий канон, творение святого отца
господина [Андреа Критского](#), Иерусалимиты. Глас 1.

Песнь 1.

Ирмос: Песнь побѣдную поим вси Бѳгу,/ сотворшему
дѣвнѣя чудеса, мышцею высокою,/ и спасшему Из-
раѣля,/ яко прославися.

Припев: Слава Тебѣ, Бѳже наш, слава Тебѣ.

Мѣртва четвероднѣвна воскресѣв, Спасе мой, Лазаря,/ тли изменил еси
мышцею высокою,/ и показал еси яко сильный власть Твою.

Возгласѣв Лазаря из грѳба, абие воскресил еси,/ но ад доле горце ры-
даше,/ и стѣня трепеташе, Спасе, власти Твоея.

Прослезѣлся еси, Господи, над Лазарем,/ показуя воплощѣние смот-
рѣния Твоего,/ и яко естеством Бог сый,/ естеством по нам был еси Че-
ловѣк.

Марфины слѣзы и Мариины утолил еси, Господи,/ из мѣртвах Лазаря
воскресѣв, Спасе,/ и показав одухновлѣнна мѣртваго властью Твоею.

Законом естества чловеча вопросил еси, Владыко:/ где положѣн бысть
Лазарь?/ Показуя всем, Спасе, истинное еже к нам смотрѣние Твое.

Заклѣпы сокрушил еси тогда адовы, возгласѣв Лазаря,/ и державу
страшл еси борца,/ и покорил еси прѣжде Креста,/ трепетати Тебѣ,
едине Спасе.

Связня Лазаря, от ада держимаго, Владыко,/ яко Бог предварил еси, и
разрешил еси от уз,/ к Твоему бо вся, Сильне, идут повелѣнию.

Слава: Отца прославим, Сына, и Духа,/ Троицу нераздельную, во
Единице Естества,/ и со ангелы Ю, яко единого несозданнаго Бѳга сла-
вословим.

И ныне, Богородичен: Непреложно родила еси Дѣво Мати Создателя
естества,/ от Святаго Духа по благоволѣнию Отчу бывша еже есмь,/ /
кромѣ изменѣния и смешѣния.

Песнь 2.

Ирмос: Вонми Небо, и возглаголю,/ и воспою Христа,/ /
единого Человеколюбца.

Слава Тебѣ возгласѣвшему токмо,/ и из грѳба мѣртва четвероднѣвна
друга воздвигшему Лазаря.

Услыша гласа Твоего бездушный,/ и одушевлѣн от мѣртвах воста
абие,/ слава Тя, Господи.

Повелѣние живонѳснаго гласа Твоего приим,/ смердящий воста от
грѳба, Спасе мой, Лазарь.

Прослезѣлся еси над другом, Спасе мой,/ уверяя наше, якоже носил
еси, естество,/ и сего воскресил еси.

Вострепетá я́коже ви́де ад,/ па́ки теку́ща а́бие свя́зана укро́йми,/ гла́сом к зде́шнему животу́.

Ужасо́шася евре́йстии наро́ди/ егда́ возгласи́в, Спа́се,/ воскреси́л еси́сло́вом смердя́щаго Ла́заря.

Сотрясо́шася сокро́вища а́дова,/ я́ко одушевлéн бысть а́бие ни́зу Ла́зарь,/ тогдáгла́сом Оживи́вшаго.

Песнь 3.

Ирмос: Ка́мень, егóже небрегóша зи́ждуции,/ сей бысть во главу́ угла́./ Той есть Ка́мень,/ на нёмже утверди́ Цёрковь Христóс,/ ю́же от язы́к испу́и.

Чу́до странное и пресла́вное,/ ка́ко Создáтель всех, éже не неведáше,/ я́ко не ведый вопрошáше:/ где ле́жит, егóже рыдáете;/ где погребéся Ла́зарь,/ егóже помáле из мёртвых жи́ва/ вам воскрешу́ Аз?

Ка́мень, егóже тебе́ привали́ша погреб́шии тя,/ сего́ взяти́ Иисус повелéв,/ а́бие воскреси́ тя, возгласи́в тебе́:/ Ла́заре востáни, гряди́ко Мне,/ да твоегó ад устрáшится гла́са.

Ма́рфа и Мари́а Го́споди, рыдáньми вопия́сте:/ се егóже люби́л еси́ четверодне́вен смерди́т,/ áще бы еси́был зде, тогдá не бы́ умерл Ла́зарь./ Но я́ко неразлúчен вездé,/ сего́ а́бие возгласи́в воздвигл еси́.

Пролия́в над дру́гом слéзы смотре́ния ра́ди,/ показáл еси́ плоть от нас взёмлемую,/ существóм не мнéнием, Спа́се, соедини́вшуюся Тебе́,/ и я́ко Человеколю́бец Бог,/ сего́ а́бие возгласи́в воздвигл еси́.

Увы́ мне вои́стинну, ны́не погибо́х, вопия́ше ад,/ си́це возглашáше смёрти глаго́ля:/ се Назоряни́н до́льняя подви́зá,/ и утробу́ мою́ посека́я,/ бездыхáнна мёртва возгласи́в воздвиге́.

Где евре́йское безúмие; где невери́е?/ Докóле чужди́и, докóле лестцы́,/ зрите́ умершаго гла́сом исходя́ща, и не веру́ете Христу́,/ вои́стинну сы́нове тьмы вси вы́.

Слава: Еди́наго от Тро́ицы вем Тя, áще и воплоти́лся еси́,/ еди́наго и сла́влю, Сы́на воплощённа,/ от Богороди́цы безсе́менно прозя́бшаго,/ и со Отце́м и Ду́хом еди́наго Сы́на славосло́вима.

И ны́не, Богородичен: Странное и стра́шное видéние смотре́ния,/ éже предзрéша нелóжнии проро́цы Дéву Богороди́цу,/ безсе́менно úбо зачёншую, и нетлénно рóждшую Бо́га,/ пребывáющую же по рождестве́ Чистую.

Песнь 4.

Ирмос: Взятся со́лнце, и луна́ ста в чине́ своём,/ возне́слся еси́, Долготерпели́ве, на Дре́во,/ и водрузи́л еси́на нем Цёрковь Твою́.

Прослезился еси, Господи, над Лазарем, / показав яко Человек еси, / и воздвигл еси, Владыко, умершаго, / и показал еси людем, яко Сын еси Божий.

Бездыханный услыша повеление Твое: / гряди вон Лазаре, / текий восташе с пеленами, и скакаше, Блаже, / показуя державу Твою.

Марфины слезы и Мариины утолил еси, Христэ Бже, / возгласив Лазаря самовластно, / воздвигл еси гласом и поклонися Тебе.

Прослезився яко Человек над Лазарем, / воздвигл еси его яко Бог. / Вопросил еси: где погребёся четверодневный? / Уверяя, Блаже, вочеловечение Твое.

Страсти знамения и Креста Твоего, уверяти хотя, Блаже, / адово несытное чрево растерзав, / возставил еси, яко Бог, четверодневно.

Кто виде, кто слыша, яко воста человек мертвый смердящий? / Илиа убо воздвиже и Елиссей, / но не от гроба, но ниже четверодневна.

Поём Твое, Господи, могущество, / поём и страсти Христэ, / онем бо яко благоутробен чудодействовал еси, / сими же смотрительно ят еси яко Человек.

Бог еси и Человек, истинствуяй вещьми и имены, / предстал еси гробу плотию, Слове, / и воздвигл еси яко Бог четверодневно.

Ужасошася, Владыко, еврейстии народи, / яко видеша воставша мертва из гроба Лазаря со гласом Твоим, / и пребыша непокорливи чудесем Твоим.

Слава: Безначально возсиял еси от Отца Твоего, / яко един сый от Троицы, Спасе, / в лето в Дусе из девственных Ты прошёл еси кровей, / плоть взял Пресущественный.

И ныне, Богородичен: Зачатие безсеменное Богородицы, / рождество кроме страсти тления, / Бог бо обоя чудодействовавый истощи Себе, / да нам соединится.

Песнь 5.

Ирмос: Твой мир даждь нам, / Сыне Божий, / иного бо разве Тебе бога не знаем, / Имя Твое именуем, / яко Бог живых и мертвых еси.

Жизнь сый, Господи, и свет истинный, / Лазаря возгласив воскресил еси, / яко силен бо всем показал еси, / яко Бог живых и мертвых еси.

Нестерпимое Твое повеление, Иисусе, / не терпя ад многих приемый убоясь, / и четверодневна суща Лазаря, со гласом жива, а не мертва даёше.

Персть совокупль духу, древле брение Духом жизни, / одушивый Слове словом Твоим, / и ныне же словом воскресил еси от тли друга из преисподних.

**Мáнию Твоему́, Го́споди, сопроти́вися никто́же, / егда́ бо ме́ртваго гла-
сил еси́ Ла́заря, / а́бие бездыхáнный воста́ше, / и у́зы нося́, нога́ма
хожда́ше.**

**О иудейское безúмие! О омрачéние врагов́! / Кто ви́де мертвеца́ из грóба
воста́юща? / Или́я дрéвле воскреси́, / но не от грóба, но ниже́ четверо-
днёвна.**

**Непобедíme, Долготерпели́ве, / вся нас ра́ди творя́й я́ко Бог, и терпя́й
я́ко Человéк, / причáстники вся ны сотвори́ Цáрствия Твоего́, / мо-
литвами Ла́заревыми.**

Слава: Пребезначáльная, собезначáльная, еди́ночестна́я Трóице, / Отче
Вседержителю, и Сы́не, и Ду́ше Святы́й, / Ед́инице Свята́я трипо-
ста́сная, / сущия от Ада́ма спасáй, вéрно Тя воспева́ющия.

И ныне, Богородичен: Пречíстное чрэво Твое́ освяти́, Чíстая, / плоть из
него́ приéмый / Пребожéственный, в Трóице покланя́емый, / из Отца́
Сло́во и с Ду́хом Бог.

Песнь 6.

Ирмос: Отвэ́ргл мя еси́ во глубины́ сéрдца морска́го, / и
спасл еси́ мя, Спа́се, от рабóты смéртныя, / и разрешил
еси́ у́зы беззакóний мо́их.

**Вопроси́л еси́: где есть? вся вéдый, / прослезил́ся же еси́, Спа́се, я́ко
Человéк естество́м, / воздвигл мя еси́ ме́ртва повелéнием Твои́м.**

**Возгласи́л мя еси́, Спа́се, из а́да преиспо́дняго, / вопиéт Ла́зарь к Тебе́,
разрушителю́ а́да, / и воздвигл мя еси́ ме́ртва повелéнием Твои́м.**

**Оде́ял мя еси́, Спа́се, в брénное тéло, / и вдохну́л ми еси́ жизнь, / и ви́дех
свет Твой, / и воздвигл мя еси́ ме́ртва повелéнием Твои́м.**

**Одуши́л еси́ Ты, бездыхáнный о́браз плóти моея́, Спа́се, / стягну́л мя еси́
костью и жи́лами, / и воздвигл мя еси́ ме́ртва повелéнием Твои́м.**

**Всесне́дное растерза́в чрэво а́дово, / истóргнул мя еси́, Спа́се, Твое́ю
вла́стию, / и воздвигл мя еси́ ме́ртва повелéнием Твои́м.**

**Носи́л еси́, Спа́се, смешéние моé всецéло, / сохрани́л же еси́ чíсту пре-
чíстую утробу́, / из нея́же прошéл еси́ воплотив́ся, ед́ин сый Трóицы.**

Слава, Трои́чен: Трóице Свята́я, прославля́ю Твое́ благоутрóбие / и со
а́нгелы пою́ трисвяту́ю песнь: / помилуй ду́ши нас воспева́ющих Тя.

И ныне, Богородичен: В пречíстую Твою́ утробу́ внíде Сло́во, / соблюде́
же па́ки по рождестве́ сию́ чíстую, Богородительнице, / чу́до воистинну
пресла́вное.

Песнь 7.

Ирмос: Сущим в пещи́ отроко́м Твои́м, Спа́се, / не при-
косну́ся, ниже́ стужи́ огонь. / Тогда́ триé, я́ко ед́иними ус-

ты́ поя́ху,/ и благословля́ху, глаго́люще:/ благословён Бог отёц на́ших.

Над мертвецём прослезился еси́, Спа́се Человеколю́бче,/ да пока́жеш всем лю́дем,/ я́ко Бог сый, нас ра́ди Чело́век яви́лся еси́,/ и во́лею прослезился еси́,/ о́бразы нам предлага́я серде́чныя любве́.

Четверодне́вный Ла́зарь, Спа́се,/ я́ко услы́ша ни́зу глас Твой, воста́в воспе́ Тя,/ и ра́дуясь си́це вопия́ше:/ Ты Бог и Созда́тель мой,/ Тебе́ покланя́юся и пою́ воскреси́вшаго мя.

Аще и у́зами обложён есмь,/ Ла́зарь ни́зу вопия́ше Свободи́телю,/ но ника́коже во чре́ве пребу́ду а́дове,/ а́ще то́кмо воззове́ши мя, Ла́зарь, гряди́ вон./ Ты бо свет мой и живо́т.

Молю́ тя, Ла́зарь, ад рече́, воста́ни,/ изы́ди от заклёпов мо́их ско́ро, отыди́ у́бо,/ добро́ бо мне еди́наго рыда́ти го́рце отъёмлема,/ не́жели всех, и́хже пре́жде а́лча поглоти́х.

О что косни́ши, Ла́зарь, глаго́лет,/ гряди́ вон, зоветъ сто́я Друг твой:/ изы́ди у́бо, да и аз осла́бу приму́,/ отне́леже бо ты снедо́х, на блева́ние пи́ща устро́ися ми.

Что не воста́неша Ла́зарь ско́ро, воззва́ из до́лу ад рыда́я?/ Что не а́бие воскресе́ тече́ши отсю́ду?/ Да не и други́х ми плени́т Христо́с, воскреси́в тя.

Удивля́емь был еси́ Влады́ко Христэ́, чу́дная тогда́ соде́лав мно́гая,/ свет бо слепы́м, глу́хим же у́ши отве́рзл еси́ сло́вом,/ и дру́га Ла́заря из ме́ртвых, я́ко Бог возгласи́в воздви́гл еси́.

Слава, Трои́чен: Трои́ческую воспо́им песнь,/ сла́вяще безнача́льнаго Отца́, и Сы́на, и Ду́ха Пра́ваго,/ еди́нственное еди́но Суще́ство,/ е́же Трои́чески воспо́им:/ Свят, Свят, Свят еси́ Трои́це.

И ныне, Богороди́чен: Я́ко еди́наго от Трои́цы Тя, Христэ́, сла́вим,/ я́ко от Де́вы вопло́щся,/ кроме́ прело́жения чело́вчески вся претерпе́л еси́,/ не отсту́пль естества́ оте́ческа Иису́се, а́ще и соедини́лся еси́ нам.

Песнь 8.

Ирмос: Небеса́ небес и вода́, я́же превы́ше небес,/ благослови́те, по́йте Го́спода,/ и превозноси́те Его́ во ве́ки.

Творец и Соде́ржитель всех,/ за милосе́рдие во Вифа́нию при́иде, воздви́гнути Ла́заря. **Четверодне́вный** смердя́, и пово́ими обяза́н,/ изме́нися дыха́нием бездыха́нный,/ возгласи́вшу Ти, Го́споди.

Иудейсти́и лю́дие, я́ко ви́деша умёршаго,/ Твои́м гла́сом воста́вша, Христэ́, распы́хяхуся. **Омраче́ннии** о све́те иудее,/ что не ве́руете Ла́зареву воста́нию, Христо́ву начина́нию?

Да ра́дуется Сио́н и да поёт Жизнода́вца,/ воскреси́вшаго сло́вом от гроба́ Ла́заря. **Во́и** небесни́и и род земны́х воспе́ша Тя,/ егда́ Спа́се мой Ла́заря воздви́гл еси́.

Слава: Со Отцём и Сы́ном Ду́ха славослóвлю/ и поя́ немóлчно взыва́ю:/ Трисвяты́й, сла́ва Тебе́.

И ныне, Богородичен: Тебе́ благословлю́ и покланя́юся Ро́ждшемуся из Де́вы,/ не разлу́чшуся престо́ла святы́я сла́вы Твоея́.

Песнь 9.

Ирмос: Сотвори́ держа́ву мы́шцею Своёю,/ низложи́ бо си́льныя со престо́л,/ и вознесе́ смире́нныя Бог Изра́илев./ В ни́хже посети́ нас Восто́к с высоты́,/ и направи́л ны е́сть на путь ми́ра.

Да поёт чу́до Вифа́ния с на́ми,/ в ней бо прослезы́ся Созда́тель, зако́ном естества́ плóти,/ Ла́заря воскреша́я,/ и Ма́рфины слёзы́ прóчее, и плач Мари́ин в ра́дость прелага́я,/ мертвеца́ воздвигл е́сть.

Уверя́я Сло́ве, Воскресе́ние Твое́,/ призва́л еси́ Ла́заря из грóба, и воздвигл еси́ я́ко Бог,/ да пока́жеши лю́дем Бо́га же и Челове́ка вку́пе вои́стинне су́ща,/ и воздвигша́ храм телесе́ Твоего́.

Стрясл еси́ врата́ и вере́й желе́зныя,/ устраши́л еси́ ад гла́сом Твои́м,/ ужасе́ся же с ним и смерть а́бие,/ я́ко видеша́ Ла́заря, Спа́се, су́ща в них у́зника,/ одушевле́нна гла́сом и воскресе́ша.

Ужасо́шася вси,/ я́ко видеша́ Тя, Спа́се, слезя́ща, Ла́заря умерша́,/ и глаго́лаху наро́ди:/ виждь, ка́ко его́ любля́ше./ А́бие у́бо возгласи́л еси́ его́, и воста́в бездыха́нный,/ отложи́ тле́ние повеле́нием Твои́м.

Потрясо́шася врата́, сокруши́шася вере́й,/ разреши́шася у́зы ме́ртваго гла́сом си́лы Христо́вы,/ и ад го́рько възды́хаше рыда́я, и свои́м вопи́яше:/ увы́ мне, кий и отку́ду глас оживля́яй ме́ртвыя?

Востани́ отсю́ду послу́шав гла́са,/ Друг бо твой вон приглаша́ет тя:/ Сей е́сть пре́жде воскресы́вый ме́ртвыя./ Или́я у́бо воздвиге́ ме́ртва, и Елиссе́й купно,/ но Сей бе о́неми и глаго́лай и де́йствуй.

Поём Твою́, Сло́ве, непобеди́мую кре́пость,/ костьми́ бо и жи́лами умерша́/ воздвигл еси́ сло́вом Твои́м, я́ко всех Созда́тель,/ и сегó воскреси́л еси́, Спа́се, от преиспо́дних,/ я́коже вдо́выя сы́на су́ща на одре́.

Слава: Трои́це Всесвята́я,/ Отче безнача́льный Бо́же,/ собезнача́льный Сы́не и Божество́нный Сло́ве,/ Уте́шителю́ Благи́й, Ду́ше Святы́й Бо́жий,/ еди́ный и трисо́лнечный Све́те, соестество́нное Су́щество,/ еди́не Бо́же и Го́споди, ущедри́ мир.

И ныне, Богородичен: Вся́ сотвори́вый в премудро́сти, Иису́се,/ и во всего́ мя оболки́йся из Де́вы,/ и весь пребыва́яй при́сно в не́драх Отца́,/ Святы́й Дух Твой, Христэ́, на ста́до Твое́ низпосла́в/ я́ко Бог, осени́ нас.

Вместо Достойно, ирмос: Сотвори́ держа́ву:

И по исполнении канона и тропарей: Трисвятое. Пресвятая Троице: Отче Наш:

Таже поем велегласно и косно, на глас 6:

Господи сил с нами буди, иного бо разве Тебе помощника в скорбех не имамы: Господи сил, помилуй нас.

И отвечает тожде другой лик.

И поет наченший лик: Стих 1: Хвалите Бога во святых Его, хвалите Его во утверждении силы Его. Господи сил, с нами буди:

Вторый лик: Стих 2: Хвалите Его на силах Его, хвалите Его по множеству величества Его. Господи сил, с нами буди:

Стих 3: Хвалите Его во гласе трубнем, хвалите Его во псалтири и гуслах. Господи сил, с нами буди:

Стих 4: Хвалите Его в тимпане и лице, хвалите Его во струнах и органе. Господи сил, с нами буди:

Стих 5: Хвалите Его в кимвалех доброгласных, хвалите Его в кимвалех восклицания: всякое дыхание да хвалит Господа. Господи сил, с нами буди:

Таже оба лика вкупе: Хвалите Бога во святых Его, хвалите Его во утверждении силы Его. Господи сил, с нами буди, иного бо разве Тебе помощника в скорбех не имамы: Господи сил, помилуй нас.

Слава: Господи, аще не быхом святыя Твоя имели молитвенники, и благостыню Твою милующую нас: како смели быхом Спасе, пети Тя, Егоже славословят непрестанно ангели? Сердцеведче, пощади души наша.

И ныне: Многая множества моих Богородице прегрешений, к Тебе прибегах Чистая, спасения требуя. Посети немощствующую мою душу, и моли Сына Твоего и Бога нашего, дати ми оставление, яже содеях лютых, едина Благословенная.

Всесвятая Богородице, во время живота моего не остави мене, человеческому предстательству не ввери мя: но Сама заступи, и помилуй мя.

Все упование мое на Тя возлагаю, Мати Божия, сохрани мя под кровом Твоим.

Господи помилуй, 40.

Иже на всякое время и на всякий час, на небеси и на земли покланяемый и славимый Христе Боже, Долготерпеливе, Многомилостиве, Многоблагоутробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам Господи, прими и наша в час сей молитвы, и исправи живот наш к заповедем Твоим: души наша освяти, тела очисти, помышления исправи, мысли очисти, и избави нас от всякия скорби, зол и болезней: огради нас святыми Твоими ангелы, да ополчением их соблюдаеми и наставляеми, достигнем в соединение веры, и в разум неприступныя Твоея славы: яко благословен еси во веки веков, аминь.

Господи помилуй, **трижды**. Слава, и ныне: Честнейшую херувим: Именем Господним благослови, отче.

Молитвами святых отец наших:

И творим 3 поклоны великия, с молитвою святаго Ефрема, и прочих 12:

Господи и Владыко живота моего, дух праздности, уныния, любоначалия и празднословия не даждь ми. Поклон.

Дух же целомудрия, смиренномудрия, терпения и любве, даруй ми рабу Твоему. Поклон.

Ей Господи Царю, даруй ми зрети моя прегрешения, и не осуждати брата моего: яко благословен еси во веки веков, аминь. Поклон.

Таже: Трисвятое. И поклоны 3. Пресвятая Троице: Отче наш: Господи помилуй, **12.**

И молитва молебная ко Пресвятей Богородице, Павла монаха обители Евергетиды, сиречь, благодетельницы: Нескверная, Неблазная,

Нетленная, Пречистая, Чистая Дево, Богоневесто Владычице, Яже Бога Слова человеком преславным Твоим Рождеством соединившая, и отринувшееся естество рода нашего небесным совокупльшая: Яже ненадежных едина Надежда, и боримых Помоще, готовое Заступление к Тебе притекающих, и всех христиан Прибежище. Не гнушайся мене грешнаго, сквернаго, скверными помыслы, и словесы, и деяньми всего себе непотребна сотворша, и разумом лености сластей жития раба бывша: но яко Человеколюбиваго Бога Мати, человеколюбне умиласердися о мне грешнем и блуднем, и приими мое, еже от скверных устен приносимое Тебе Моление: и Твоего Сына, и нашего Владыку и Господа, Матернее Твое дерзновение употребляющи, моли, да отверзет и мне человеколюбныя утробы Своея благодати, и презрев моя безчисленна прегрешения, обратит мя к покаянию, и Своих заповедей делателя искусна явит мя. И предстани мне присно, яко милостивая, и милосердая, и благолюбивая, в настоящем убо житии теплая Предстательнице и Помощнице, сопротивных нашествия отгоняющи, и ко спасению наставляющи мя: и во время исхода моего окаянную мою душу соблюдающи, и темныя зраки лукавых бесов далече от нея отгоняющи: в страшный же день суда вечныя мя избавляющи муки, и неизреченныя славы Твоего Сына и Бога нашего наследника мя показующи. Юже и да улучу Владычице моя, Пресвятая Богородице, Твоим ходатайством и заступлением благодатию и человеколюбием Единороднаго Сына Твоего, Господа и Бога и Спаса нашего Иисуса Христа: Емуже подобает всякая слава, честь и поклонение, со Безначальным Его Отцем, и Пресвятым, и Благим, и Животворящим Его Духом, ныне и присно, и во веки веков, аминь.

Молитва иная ко Господу нашему Иисусу Христу, Антиоха монаха Пандекта: И даждь нам Владыко, на сон грядущим покой тела и души, и сохрани нас от мрачнаго сна греховнаго, и от всякаго темнаго и ношнаго сладострастия: укроти стремления страстей, угаси разжженные стрелы лукаваго, яже на ны льстивно движимыя: плоти нашея востания утоли, и всякое земное и вещественное наше мудрование успи. И даруй нам Боже, бодр ум, целомудр помысл, сердце трезвящееся, сон легок и всякаго сатанина мечтания изменен. Возстави же нас во время молитвы утверждены в заповедех Твоих, и память судеб Твоих в себе твердо имущя: всенощное славословие нам даруй, во еже пети и благословити и славити пречестное и великолепое Имя Твое, Отца, и Сына, и Святаго Духа, ныне и присно, и во веки веков, аминь.

Преславная Приснодево, Мати Христа Бога, принеси нашу молитву Сыну Твоему, и Богу нашему, да спасет тобою души наша.

Молитва иная святого Иоанникия: Упование мое Отец, Прибежище мое Сын, Покров мой Дух Святой, Троице Святая, слава Тебе.

Слава, и ныне: Господи помилуй, **трижды**. Господи, благослови.

И отпуст: Господи, Иисусе Христе, Сыне Божий, молитвами Пречистыя Твоея Матере, преподобных и богоносных отец наших и всех святых, помилуй и спаси нас, яко Благ и Человеколюбец.

Аминь.

И абие, преклоншися на землю, глаголем прощение сие: Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

И воставши, глаголем молитву сию: Ненавидящих и обидящих нас прости Господи, Человеколюбче. Благотворящим благосотвори. Братиям и сродником нашим, даруй яже ко спасению прошения, и жизнь вечную. В немощех сущия посети, и исцеление даруй. Яже в мори управи. С путешествующими спутешествуй. Служащим, и милующим нас, грехов оставление даруй. Заповедавших нам недостойным молиться о них, помилуй по велицей Твоей милости. Помяни Господи, прежде усопшия отцы, и братию нашу, и упокой я, идеже присещает свет лица Твоего. Помяни Господи, братьий наших плененных, и избави я от всякаго обстояния. Помяни Господи, плодоносящих, и доброделяющих во святых Твоих церквах, и даждь им яже ко спасению прошения, и жизнь вечную. Помяни Господи и нас смиренных, и грешных, и недостойных раб Твоих: и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы нашея Богородицы, и Приснодевы Марии, и всех Твоих Святых. Яко благословен еси во веки веков, аминь.

Конец великаго повечерия.